



Onu percent ekkei aramas non Oregon ese wor nour insurance ren health

Akkarap onu percent ekkei aramas non Oregon ese wor nour insurance ren health. Me nein ei onu percent, chommong ekkon ir mei fiti en Oregon Health Plan (OHP) re katou me non nour insurance ren met e fis ngenir, awewe ren ika e watte ar mwoni tonong nge fan ew chok non ew maram. Ika aramas ra katou me non ei sokkun aninnis—ika mwo nge non ew mochomochen fansoun—rese chiwen tongeni fiti ar apoinmen ren nour tokter, wewen pwe rese tongeni tumwun non ew fansoun mei auchea ngenir. Manganon angangen tumwun ngeni emon mei forata an en aramas epwe watteno an semwen, menei *watten* angangen tumwun ren unusan, me pwan watteno niwinin.

Non ewe minafon taropwen waiver, Oregon mei anomwu non kokkot pwe epwe fori an epwe mecheres ngeni ion aramas mei tufichin epwe nounou ewe OHP, me pwan mecheres ngeni ekkewe chon nounou OHP ar repwe chok pwan nomw non.

Ukukun ekkewe rese nounou insurance

Napengeni aramas rese nounou insurance non Oregon ir mei tufichin repwe nounou Medicaid ika Marketplace health insurance.



Arapakan 60% semirit ese wor nour health insurance non Oregon ir mei tufichin repwe nounou OHP.



Arapakan 25% ekkewe mei mwuk ese wor nour insurance non Oregon ir mei tufichin repwe nounou OHP.




Arapakan 50% aramas ion ese wor nour insurance non Oregon mei tongeni repwe kutta aninisir ren niwinin ar health insurance me ren ewe Oregon Health Insurance Marketplace.



Mei nap seni 30% aramas ese wor nour insurance ra apasa pwe rese nounou OHP, me pwan data seni ewe Oregon Health Insurance Survey mei affata pwe chommong me nein ekkei aramas ir mei chok tufichin repwe nounou OHP.

Aramas non ekkewe community ren ekkewe mei sakono onuwen unucher me community ren Tribal mei tongeni pwe ir rese nounou insurance.



Ekkoch sokkun angangen an epwe kawor insurance ngeni chommong aramas me non Oregon

Fan ei, mei wor ekkoch pekin angang ewe Oregon Health Authority mei mochen epwe tingor ngeni ewe federal an epwe mwut ngenir pwe repwe fori:

- 1. Sopwosopwono won ar repwe atononga semirit non ewe OHP, seni ar upwutiw tori owonuwen upwutiwer.** Wewen ei pwe ekkewe semirit repwe nounou tori ar ra onuw ierir me nouni chok ewe tokter non nakatamen fansoun, ewe epwe tongeni forata an epwe murinno nonnomwun ar health. Ren ekkewe sam me inn me chon tumwunuw ekkewe semirit mei nounou OHP, wewen ei pwe epwe kisino angangen forun taropwe ngenir, me pwan kukun ar repwe eureki ika pwe epwe wor ekis ekkesiwin ngeni ar moni tonong ika pwe ewe semirit epwe tou seni ewe coverage.
- 2. Epwe sopwosopwono won ruw ier an epwe nomw non OHP ren ekkewe onuw ier me watte seni, ina mwo ika mei wor ekkesiwin ngeni ar moni tonong.** Chommong ngeni aramas ion mei tou seni ewe OHP health insurance rechok tou seni non ekis mwochomwochen fansoun iwe ra pwan tonong sefan. Ei “tonong me tou” seni OHP mei aweiresi angangen health care *me* awateno met chon moni takises ir mei monatiw ren angangan. Ren an epwe kawor sopwosopwonon pachenong non ruw ier nge esapw pwan wor angangen taropwen ika pwe mei wor ekkesiwin ngeni moni tonong, epwe eochuno ngeni aramas ren nonnomwur.
- 3. Ew mwutirin, anemecheresin an emon epwe pachenong non OHP ren ekkewe aramas ion ir mei amasow nour taropwe ngeni ewe Supplemental Nutrition Assistance Program (SNAP).** Chommong ngeni aramas ion mei tufichin nounou SNAP ir mei pwan tufichin nounou ewe OHP health insurance. Meren ewe angangen analysys non 2021 ren chon nounou SNAP, 17% ren ekkewe mei mwuk me 6% ren semirit ir mei nounou SNAP ir mei tufichin nounou, nge rese tongeni repwe nounou ewe OHP health insurance. Oregon e mochen pwe ekkei aramas repwe sinei pwe ir mei pwan tongeni an esapw kamo pekin health care ngenir me pwan anisi ngenir ar repwe tongeni pachenong non.

Met wewen ei ngeni chon fiti ei OHP

Ren ekkewe aramas ion mei tufichin nounou nge rese pachenong non OHP: Non ewe minafon taropwen waiver, epwene mechres ngeni ekkewe aramas ra tufichin fiti ar repwene pachenong non OHP. Oregon epwe awora pwan sopwosopwun angangen tou osukun ngeni aramas non sakopaten foosun ew me ew fonu, seni chiechian kewe mei wor an nukunuk rer me pwan ekkewe organization non ekkewe community. Wewen ei pwe ekkewe aramas ir mei tufichin nounou epwe wor ar repwe pworous fengen me emon ion ir mei nukuw, me non pusin foosun fonuwer. Nupwen aramas non Oregon ra makkei iter fan iten ekkoch pwan sokkun aninis epwe torir (usun ren ewe aninisin mongo), epwe pwan wor pworous epwe tour ngenir fan iten ar repwe pachenong non OHP.

Ren chon nounou OHP: chon nounou OHP repwe tam ar repwe cover. Ren iei, ekkewe aramas repwe pachenong sefan iteiten ier, iwe mei tongeni ar repwe tou seni ewe coverage ika pwe epwe wor ekkesiwin ngeni ar repwe tufichin repwe nounou (usun ren an wor ekkesiwin ngeni ar moni tonong). Non ei minafon taropwen waiver, ekkewe chon nounou resapw pwan pachenong sefan iteitan, iwe ika epwe wor ekis ekkesiwin ngeni ar tufichin nounou resapw tongeni tou seni OHP.

En mei tongeni angei ei taropwe non fosun fonuwomw, echo mei mesemmong makkan, makken braille ika met sokkun ke mochen. Atoura mefiom ngeni ewe Community Partner Outreach Proqram ikei community.outreach@dhs.ohha.state.or.us ika kokkorir won nampa 1-833-647-3678. Kich mei etiwa meinisin chon koko, en mei pwan tongeni kokori 711.